


職  
分





職官七十九

宋會要卷二百  
五十二



每卷首  
三行  
格式

吳興劉氏嘉業堂鈔本

宋會要卷第二百五十二

大興徐松輯大典本

職官七十九點降官三

吳興劉承幹編定



職官七十九

黜降官三

神宗元豐元年正月九日知虢州鄧綰罷龍圖閣侍制為集賢學士知河陽時權御史中丞鄧潤甫言綰在言路肆為邪慝陰連公府祿屬數為大臣祈恩傳笑四方傷辱國體故斥逐之今綰去位未幾亟復侍制莫知所謂乞追寢成命徐輯不宋樂卷大典無數

十七日前知真定府龍圖閣直學士吏部侍郎致仕韓贄降一官追其孫思純將作監主簿造通判鄭淵僉判王欽若各降一官判官許章推官劉處厚衝替司錄參軍劉舜理以下三人勒停北寨主楊允德以下三人降除名編管並不用赦降去官坐易州捕盜誤以解子平為北界地啟虜人爭疆之隙也上同

二十二日秘書省著作佐郎張琬衝替坐越職言知荆南張頡不當也上同

二十三日尚書刑部員外郎知制誥熊本落知制誥為屯田員郎

宋會要卷三十三





外郎分司西京饒州居住大理寺丞權知都水監丞陳祐甫為穎  
 州團練推官權知都水監主簿司農寺主簿史邈追兩官與遠小  
 處合入差遣權知都水監丞范子淵追一官差遣依舊並免勒停  
 權河北東路轉運副使陳知儉追一官衝替文彥博特放罪大名  
 府寇氏臨清清平縣干繫官吏并東流南岸都大司並令提點刑  
 獄司劾之初都水監程昉請開運河范子淵言遣官併用濬川把  
 疏濬奪水勢悉歸二股故道退出民田數萬頃詔大名府保明既  
 而文彥博奏止因霜降水落今年未嘗用把而退地更多上命熊  
 本按視以彥博所陳有害無利為是乞廢濬河司於是子淵言本  
 等所陳事理未盡至公乃詔置獄至是獄具濬州把僅同兒戲子  
 淵所陳固多妄然史邈初勸本光河行決利害乃見彥博而未修  
 私禮於彥博非公事赴彥博飲故上不直本也  
 閏正月八日陳繹落知制詔為秘書少監集賢院學士知諫院蔡  
 確言繹陰與中書屬官張諤練亨甫等交相朋附因公事受張諤

私簡蹤跡已露不可更污侍從故有是命  
 十八日詔大理寺王欽臣展磨勘四年前降一官指揮更不施行  
 其轉太常丞及降授太子中允敕並追毀坐定奪解子平地界不  
 實案未上年例當還已改太常丞及案奏奪一官法當自未遷官  
 責降故也  
 二月二十四日知廉州供備庫副使李時亮降一官監押右侍禁  
 衛立之降兩官司戶參軍孔元孫衝替坐不救火焚器甲二十四  
 萬會赦特責也  
 四月十二日右諫議大夫兼侍讀權御史中丞鄧潤甫落職知撫  
 州太子中允權監察御史裏行上官均責受光祿寺丞知邵武軍  
 光澤縣以右正言知諫院蔡確言被命同鞠相州獄潤甫與均密  
 自奏事不令臣僉書必以臣見其朋姦之迹臣論列故造非語中  
 傷及欲動搖獄情陰結執政乞早賜罷斥上初以潤甫均言故疑  
 獄詞非實及遣使審詳罷罪人卒無異辭上以潤甫均誕妄故貶



之	五月二十五日	知慶州直龍圖閣范純仁奪職知信陽軍永興軍	路鈴轄種古追一官知寧州史籍追兩官並勒停知環州種諤免	追一官勒停罰銅二十斤環州僉判党師經以下三人衝替純仁	生不追捕作過熟戶番部古虛訟純仁不公謬為其兄發奏狀入	馬遞籍申制院不實師經等推勘僉書劫盜公事失入故也	六月十九日殿中丞陳安民追一官勒停展三暮叙太常博士吳	安特追一官免勒停衝替前檢正中書刑房公事劉奉世落直史	館免勒停監陳州糧料院詳斷官竇革追一官勒停詳議官周孝	恭大理評事文及甫並衝替安民嘗官相州坐與失入馮言死罪	屬及甫言於宰相吳元安特坐受及甫屬論奉世坐論法官指定	不作失入革孝恭坐定為非失入其牽連得罪者又數十人充釋	罪初制勘相州獄蔡確鍛鍊欲以傾充至是獄成人以為冤	二十七日尚書主客郎中張充宗供備庫副使高遵制並追一官
---	--------	---------------------	---------------------------	---------------------------	---------------------------	-------------------------	---------------------------	---------------------------	---------------------------	---------------------------	---------------------------	---------------------------	-------------------------	---------------------------

勒	勒停先是充宗遵制接伴邊使以違禁物償所亡器皿於驛舍姦	雜戶詔開封府劾先衝替聽追攝至是得實故坐責也	七月二十五日京西將官李延邁衝替上批延邁捕盜募兵自隨	初無明條乃是憚賊怯懦滋大事勢不惟不足彈治士卒傳聞四	方亦足啟侮宜衝替	八月六日澶州巡河藥文德淮南編管都大提舉苗師中衝替免	勒停並追兩官都水監丞王慎微衝替權外監丞陳佑甫降一官	知澶州韓璠以應副修閉決口聽以功贖過坐澶州河水抹岸不	預請修貼隄岸各該赦恩故特責之	十月十四日散員都虞侯萬州刺史全信追刺史罰銅六十斤降	充湖南本城都頭先是上批全信乞取本班長行錢物已奏案可	速進呈裁斷庶軍中有以警勵至是樞密院奏斷也	二十八日開封府判官徐大方推官許彥先衝替坐以同文館制	獄連涉也
---	---------------------------	-----------------------	---------------------------	---------------------------	----------	---------------------------	---------------------------	---------------------------	----------------	---------------------------	---------------------------	----------------------	---------------------------	------



十一月十七日	詔汲逢先勒停送秦州制委李孝博選差獄官與
莊黃裳同鞠時孝博新權發遣永興軍等路常平等事言秦熙州	自置市易乃提舉官汲逢專領今本務欠錢十二萬緡聞逢母疾
亦嘗貸借兼驅磨官稱逢有虛增錢數七萬餘緡故有是命	十二月一日詔京東西路第七副將供備庫副使張永昌降一官
與淮南遠處監當差遣以本路提點刑獄司言與將官楊桂不務	協和常凌忽之故有是命
二日右諫議大夫呂公孺罰銅十斤生御史何言正臣言檢正中	書刑房文字杜絃見公孺理雪失入死罪事而陰與苞苴往來究
實故也	二十四日詔京東第八將張建中先衝替令轉運司體量罪狀以
聞坐所教兵眾應格人數全少故也	二年二月七日河東火山軍巡檢韓渭衝替詔轉運司劾罪坐經
略司言謂擅兵士入北界與虜人相射及誘致蕃部待以客禮故	

也	同上
八日	知兩劍州萬公儀追一官免勒停通判黃子春知邵武軍周
約簽判李上儉各罰銅二十斤差替權發遣江南西路提點刑獄	尚書都官員外郎李莘衝替展磨勘二年知建昌軍蔡水若等罰
銅差替有差坐不覺察廖恩為盜及討捕無功雖會赦去官特責	也
也	恩所經地巡檢巡茶縣令尉追官勒停罰銅衝替凡二十九人
同上	
十二日	知越州給事中集賢殿修撰程師孟降右諫議大夫坐前
知廣州失入市易牙人尚杖罪及斷割牙錢不當	同上
十七日	降右諫議大夫蘇頌為秘書監集賢院學士知濠州尚書
司門員外郎徐大方奪兩官虞部員外郎孫純奪一官國子博士	許彥先監吉州酒稅大理少卿韓晉卿呂孝廉各罰銅二十斤初
頌知開封府大方為判官彥先為推官純知祥符縣相國寺僧舊	為純主自田產而自貸常住錢給純事覺頌及大方彥先密諭純



償之不正其罪為人所告下有司劾不理斷不當故有是命  
 三月八日河北東路轉運副使陳知儉判官汪輔之各特罰銅二  
 十斤坐三司言會計河北東路熙寧十年收支實關錢帛等比知  
 儉輔之元奏之數少七十三萬餘緡乞降黜以誠諸路故也  
 二十八日降東上閣門使果州刺史秦鳳路副總管夏元幾為鈐  
 轄坐前知鎮戎軍失入死罪也  
 五月二日前權發遣環慶路經略使高遵裕追兩官知淮陽軍慶  
 州通判吳仲舉衝替柔遠寨主孫貴兵馬監押王顧並追一官免  
 勒停都巡檢輔佐罰銅二十斤差替柔遠寨巡檢胡永德追兩官  
 免勒停環慶路走馬承受入內東頭供奉官王懷正罰鑊七斤降  
 京西監當前知大順城康大同等四人差替蕃官軍使羅遇杖脊  
 刺配廣南東路牢城先是遵裕數使蕃部乙訛及顧入西界見蕃  
 族梁訛哆探事且誘訛哆來降後乙訛為西人所執永德等擅發  
 兵出寨追取欲縱火焚新和市遵裕隱庇不治西人以為言詔選

官根治為首者痛繩以法遵裕亦不奉行上遣樞密院檢詳官范  
 育就按還具奏其狀因命育推鞠獄成永德遇抵罪遵裕坐不  
 奉行詔及所奏漏略懷正亦以體量不實餘皆從坐也  
 同日秦鳳路副總管夏元幾罷任坐前知鎮戎軍買水銀令指使  
 販易及毀公使文記也  
 六日知潤州呂嘉問落直昭文館衝替免勒停監市易務門河南  
 府左軍巡判官華申甫降名兩浙路提點刑獄王陟臣落集賢校  
 理衝替供備庫副使張濟追一官遠小處監當知慶州俞充罰銅  
 三十斤檢正中書孔目房曾伉二十斤三司度支副使張環十斤  
 初江東轉運判官何琬劾奏嘉問不法詔御史臺推治申甫得之  
 於濟及陟臣充自京師以私書報之陟臣檢正中書吏房充都提  
 舉市易司濟故三司吏伉嘗為環道嘉問事而環漏其語於所親  
 上命取進奏院發書麻得嘗與嘉問通書主名乃下開封府令人  
 自陳不盡當除名而申甫不以實聞故降名嘉問坐報上尚不以







試諸軍武藝誤給銀萬餘兩為殿前司劾奏詔免備償薄懲之  
七日詔知開封府蔡延慶落翰林學士知滁州先是李憲妻王氏  
之母詣府訟憲婢謀害王氏延慶初欲避免僉書又謂王氏欺辭  
有狀外事不當治推官蔡承禧爭之與延慶更論奏乃下審刑院  
刑部定以應為受理於是御史舒直言乞重絀責故有是命  
十三日右諫議大夫直學士院安燾入內都知張茂則各罰銅二  
十斤以御史何正臣彈奏燾茂則驗覆導洛通汴利害不當故也  
上  
十五日知虔州劉瑾落史館修撰三班奉職楊懋贖金免勒停初  
懋因募兵至虔矯稱聖旨為瑾所奏懋因奏瑾嘗對懋言往時有  
聖旨瑾尚不應副下江東鞠治皆引伏大理當瑾杖一百懋坐徒  
一年當追一官詔贖金免勒停  
十八日知虢州龍圖閣直學士劉庠罰銅二十斤西上閣門使狄  
詠十斤坐前為成都府利州路鈐轄越職受訴故也

二十一日權知開封府許將落翰林學士知蘄州前司戶參軍李  
君卿降一官前士曹參軍蔡洵並衝替國子監丞王愈追一官勒  
停直講周常差替開封府判官許懋李寧能臯罰銅有差初進士  
虞蕃訟太學不公事付府推治辭連上舍生將奏以為無罪出之  
君卿洵懋寧皆坐阿隨將愈坐為進士陳雄請屬陞上舍臯常皆  
轉相牽連特有是責  
二十二日權發遣京西南路提舉常平等事張商英罰銅十斤免  
衝替坐越職治提點刑獄司事  
九月十二日詔大理寺卿少各罰銅十斤丞二十斤以勘前國子  
監博士陳世孺并妻李等獄不當故也  
十月七日權荆湖北路轉運判官降授太常寺丞奉禮郎馬瑛勒  
停江陵府通判王任周之純各追一官勒停僉書判官周常衝替  
先是有詔瑛違法擅貸預借江陵府公使錢先衝令京西轉運判  
官胡宗回劾治至是按責抵罪任之純亦坐公使庫違法也



清當即前沈之

十三日太常丞集賢校理兼天章閣侍講同修起居注直舍人院	主管國子監沈季長落職勒停右正言知制誥兼侍講知諫院同	修國史詳定郊廟奉祀禮文宗正等玉牒官提舉官告院判國子	監黃履免追官勒停聽贖銅除侍講外差遣並罷樞密院直學士	陳襄罰銅十斤國子監直講穎州團練推官王沈之除名永不收	叙太常丞余中追一官勒停監東作坊門河南府右軍巡判官王	沔之祕書丞范峒衝替季長沈之坐受太學生賂升補不公履坐	不察屬官取不合格卷子襄坐請求中坐受太學生陳度賂峒坐	為封彌官漏字號沔之坐納賂屬請皆因虞蕃上書御史臺鞫以	為罪沈之中峒沔之雖會赦降猶特責焉上	十一月二十七日明州象山縣尉張中衝替坐嘗以詩遺高麗貢	使故也上	十二月二十六日尚書祠部員外郎直史館蘇軾責受檢校水部	員外郎黃州團練副使本州安置不得簽書公事令御史臺差人
---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	-------------------	---------------------------	------	---------------------------	---------------------------

門疑或促

轉押前去駙馬都尉王誥追兩官勒停祕書省著作佐郎簽書應	天府判官蘇轍監筠州鹽酒稅務祕書省正字王鞏監賓州鹽酒	務令開封府差人押門趣赴今任太子少保致仕張方平知制誥	李清臣罰銅三十斤端明殿學士司馬光等二十人各罰銅二十	斤初御史臺既以軾具獄上法寺當徒二年會赦當原於是中丞	李定言軾譏諷時政訕上惑眾今已具服特行廢絕御史舒亶文	言駙馬都尉王誥收受軾譏朝廷文字與王鞏往還漏泄禁中語	陰通貨賂審與宴游按誥列在近戚而朋比匪人原情議罪不以	赦論疏奏軾等皆特責焉上	三年正月十七日前虔州瑞金縣尉張格放歸田里令開封府押	歸本貫坐妄訟三司吏部及遞執政馬喧嘩也上	十八日太常博士范峒太常丞彭汝礪各奪一官坐鞫前知江寧	府呂嘉問獄不盡雖會恩特奪之上	十九日大理寺丞王觀除名永州編管提點淮南東路刑獄范百
---------------------------	---------------------------	---------------------------	---------------------------	---------------------------	---------------------------	---------------------------	---------------------------	-------------	---------------------------	---------------------	---------------------------	----------------	---------------------------



傳疑傳

祿罰銅二十斤觀坐知揚州江都縣枉法受財百祿坐轉運司遣  
 官鞠觀而擅止之上同  
 二十六日都官員外郎大理寺丞葉武送審官東院以御史中丞  
 李定劾奏武同賈民種劾蘇頌種民增移事節而武不能察故罷之  
上同  
 二月二十五日大理寺丞賈種民衝替大理卿崔臺符少卿楊汲  
 權監察御史裏行何正臣各罰銅十斤大理初鞠陳世儒獄并治  
 世儒妻李氏母呂氏嘗干其叔父公著請求於知開封府蘇頌公  
 著未嘗以語頌而種民挾情傳致其罪公著自辨秋御史臺推治  
 得實種民生罪而正臣坐嘗監勘與臺符汲各不舉察故上同  
 二十八日知濠州秘書監集賢院學士蘇頌歸班羣牧判官尚書  
 都官郎中龐元英送審官東院大理評事呂希亞贊善大夫晏靖  
 並衝替頌坐前知開封府鞠陳世儒事而元英詣頌探問頌嘗酬  
 對但言情狀極醜惡刑名未可知法寺當元英以不應為從重希

亞靖亦嘗探問後坐報上不實也上同  
 三月二十五日西上閣門使狄詠展磨勘一年詠知廣信軍契丹  
 嘗入新河鋪縱火坐斥堠不嚴贖金至是當改官故也上同  
 二十七日判太常寺李靖臣陳薦知禮院葉均崔公度曾肇王子  
 韶各贖銅及禮直官禮生等各罰銅有差以御史何正臣言近被  
 差監太廟拊饗祭而神主幄殿無侍衛之儀乞治其主者以懲不  
 恪詔御史臺取勘以聞故有是命上同  
 同日環慶路走馬承受胡育副總管兼第一將林廣並罰銅十斤  
 育移別路育坐例外取索廣坐引莊賈故事非是故也上同  
 四月十二日詔虞部員外郎陳并放歸田里永不收叙并陳世儒  
 之從兄世儒殺母事覺并論論世儒自盡而心利其財故也上同  
 十三日詔監文思院王史許選並衝替坐造山陵皇堂鐵葉不中  
 度也上同  
 五月十三日詔前衛州魯有開罰銅二十斤通幕職官汲縣主簿



尉並衝替巡河部役官追官勒停差替並坐河溢失救護也  
二十七日前冀州司理參軍孔端彥編管袁州端彥先生歐婢死  
免勒停替至是又坐歐婢死及誣告妻與奴姦也  
六月九日權提點刑獄河北東路刑獄汪輔之陳知儉各罰銅二  
十斤並坐前在河北轉運司奏錢帛數不實也  
八月二十五日光祿寺丞周沃追兩官勒停初沃言帥臣以宰相  
書意彈壓眾人使不敢輒議邊事御史臺彈治沃坐所言不實獲  
罪  
九月七日江東路轉運使孫珪提刑王安上各追兩官勒停安上  
珪交訟不實故也  
八日權三司使李承之前副使韓忠彥判官黃好謙各展磨勘二  
年先是百姓閻慶詐為中使程昭吉狀稱內中降錢買三司銅鑄  
鐘三司不詳真偽聽買及覆奏慶既決配廣南故承之等有是責  
上

十一日中書檢正官張商英落館閣校勘監江陵府江陵酒稅坐  
知諫院舒亶言商英與臣手簡并以其婿王為之所業示臣事涉  
干請故也  
閏九月二十七日詔翰林學士權御史中丞李定落翰林學士知  
制誥知河陽以上定言開封府界養馬事失實故也  
十一月六日知隴州左藏庫使薛縉衝替坐陝西轉運司言縉閻  
繆不覺察受贓乞放罷上批縉嘗以賣酒過罪度得罪今又不能  
率履勵行整飭職事乃因循縱弛有甚前日不可不痛懲治其隴  
州干繫官令轉運司劾之縉元衝替今任內舉縉官亦案後收坐  
上

八日前權知熙州趙濟落直龍圖閣追三官勒停前主管機宜文  
字許醇經制熙河路邊防財用司幹辦公事趙輝各追一官並勒  
停涇原都監第六將張恩熙河都監第二將許利見各追一官指  
使張祚呂忱各贖銅十斤並衝替濟坐遣祚忱以禁軍至京買婢



醇輝各以般家人假濟踰數並特責之而濟又坐奏熙河錢數馬料不實復詔俟合叙官更展兩墓上同  
 十三日主管國子監舒宣罰銅十斤宣言太學官不詳考校巡鋪官不指約補試生員臣以督官屬為職實無幸免初詔中書上簿宣以責輕為請故罰之上同  
 十二月八日前權發遣瀘州喬叙前梓州路轉運使高秉並除名前梓州路轉運判官許安世降一官與本等小處差遣知遂州尚書比部員外郎范純禮前消井監判官王參各衝替瀘州指使楊可久勒停叙等坐奏蠻乞弟打誓不實致乞弟殺都監王宣等七百餘人又虛奏闖處非省地也上同  
 十三日河北第十二將段懷德副將王用各特追兩官勒停押隊供奉官苗遇楊立殿直石舜封特勒停坐不曉軍中教閱軍馬多不應格故也上同  
 二十二日驅磨市易錢物范百嘉追一官勒停權發遣三司戶部

副使提舉市易司王居卿免追官勒停聽以贖論百嘉坐前任監鹽違法冒賞而居卿失保明被劾也上同  
 四年正月二十六日許將追龍圖閣侍制知秦州敕告依舊蘄州時知諫院舒宣言將職在論司而潛行請寄為亂法首聖恩寬大止從薄責未幾有此除授伏望追寢故有是命上同  
 五月八日淮東團結訓練官丁誨淮西趙永寧衝替餘押隊使臣俟殿最畢取旨坐不依元法結隊武藝生疎故也上同  
 十七日判軍器監龍圖閣直學士太中大夫安燾降授中大夫坐與曾孝廉議事不協互論奏大理推治燾所奏不實也上同  
 六月一日梓夔路轉運司劾知遂州李曼仍發遣出川界永不得與川峽差遣坐決配犯階級卒郭立不當及昨知瀘州引惹邊事故有是命上同  
 九日朝散大夫判登聞檢院王珣衝替以御史朱服言珣父子惡行如禽獸雖會赦降而朝廷原情揆法固將投棄荒裔終身不齒



今有司雖令釐務而珖畧無愧耻遽請朝見故也  
 十八日淮南轉運副使薛正彦知蔡州提點開封府界諸縣鎮公  
 事葉温叟及祥符長垣韋城知縣丞主簿尉監驛使臣十四人罰  
 銅有差入內殿頭吳從禮張積史華各展磨勘三年祥符縣主簿  
 王容韋城縣主簿姜子年各差替並坐失計置遼使路驛亭也  
 八月十七日樞密直學士朝奉郎權三司使李承之落樞密直學  
 士為寶文閣侍制知汝州承之先奏請濮州遺直院墳寺與陳留  
 縣開福寺對易既得旨其姪孝伯詐增制書立榜欲取開福常住  
 入墳寺為僧所訟送御史臺根治坐報上不實故有是命  
 九月十七日朝奉大夫寶文閣侍制知成德軍章衡落職守本官  
 提舉杭州洞霄宮坐縱指使回易公使下本路體量得實也  
 十九日奉議郎充館閣校勘同知太常禮院王仲修罰銅十斤衝  
 替仲修宰相珪之子先謁告往淮南諫官蔡卞言其在揚州燕飲  
 所為不檢體量得實故也

二十一日前江淮等路發運使朝散大夫沈希賢追三官勒停坐  
 被詔不即赴闕先以衝替下御史臺鞫之又供報不實也  
 二十六日都大提舉修護澶濮州隄岸東頭供奉官張從惠追毀  
 出身以來文字除名勒停編管黃州前知南外都水丞蘇液前權  
 發遣北外都水丞陳祐甫皆追兩官前通判澶州戚守道追一官  
 河北路轉運判官呂大中罰銅三十斤坐小吳埽河決也  
 十月五日知越州剡縣蘇駒衝替同修國史兼起居注陸佃罰銅  
 八斤佃嘗與嗣書託庇鄉親黃庸與人訟田駒奄坐至追捕及奏  
 佃書故罰及之  
 七日承事郎大理寺丞王援朝奉郎集賢校理大理少卿朱明之  
 承務郎王昉各追一官勒停明之落職前權漳州軍事判官練亨  
 甫除名勒停編管均州知諫院舒亶大理卿崔臺符少卿楊汲各  
 罰銅二十斤通直郎集賢校理蔡京落職先是大理寺鞫王琬與  
 石士端妻王氏姦罪稱及王珪之子仲端亶上言琬父子事連仲



端甚明有司以珪故觀望不敢盡理根治仲端亦自訴上命內侍  
 監勘而仲端事果不實明之乃王安禮之姪婿知安禮等與珪有  
 隙諭旨於援令劾仲端及以兩詞聞上退又偽為上語以語其妻  
 於是安禮子防以語亨甫亨甫以語直宣信之以聞京嘗在朝堂  
 與明之語仲端事臺符汲坐知援事為姦俱不按發故也上同  
 十一月二十五日鄜延路轉運使李稷降兩官為判轉運判官坐  
 應副軍糧闕乏乖方及累奏誕妄致令行營士卒乏食逃潰故有  
 是命上同  
 十二月十五日岷州團練使高遵裕降為西上閣門使就差知防  
 州西上閣門使果州團練使劉昌祚東上閣門使英州刺史姚麟  
 各降三官並就差為永興軍路鈐轄內藏庫使忠州刺史彭孫貸  
 死為東頭供奉官添差金州監當令涇原路差人監伴前去遵裕  
 坐帥涇原環慶攻取靈州無功昌祚麟坐戰兵逃潰數多孫坐糧  
 草為賊鈔劫不能禦敵故也上同

要

十一

五年正月十七日降授西上閣門使知坊州高遵裕責授郢州團  
 練副使員外郎本州安置坐用軍失律多戮無辜故也上同  
 二月二日知潤州鞠真卿衝替以兩浙轉運司言真卿侮法專威  
 贓污不法故也上同  
 七日承議郎天章閣侍制河東都轉運使趙高落天章閣侍制追  
 兩官免勒停知淮陽軍坐應副餽輓不如法稽違朝旨也上同  
 二十七日河東路提點刑獄承議郎集賢校理黃廉降一官坐不  
 案省本路諸司及數言坐界所亡財用軍器兵夫奏乞降進納宣  
 敕及令民納粟釋罪也上同  
 三月一日提點江南西路常平等事劉誼特勒停坐論新法不便  
 十八日涇原路諸將趙定等八人各追一官徐鎮等四人各追兩  
 官俱千劉珣各追四官張逸成恭各追五官以涇原路經略都總  
 管司上諸將出界所部正兵漢蕃弓箭手亡失分數除劉祚姚麟

千



已降官外餘官有是責上	四月六日侍御史知雜事滿中行罷臺職為直集賢院知無為軍	坐因取開封簿書奏王安禮不當故黜之	十二日權主管涇原路轉運判官兼同主管經制熙河路邊防財	用承議郎胡宗哲降授承事郎權發遣同經制熙河路邊防財	通直郎馬申降授承務郎展磨勘八年坐闕軍前糧餉也	二十二日河東提點刑獄黃廉知汾州周覺晉州王說平定軍康	曷各展磨勘三年先是追官勒停人余之以謀逆伏誅廉等坐	嘗遺酒及差人護送原赦特責也	二十三降天章閣侍制王克臣知軍州克臣前知大原措置乖	方奏方誕妄體量得實雖會赦免劾特責之	二十六日新知徐州趙高依舊知淮陽軍以改差徐州偃蹇不赴	故也	六月四日主管麟府路軍馬張世矩降一官移熙河路將以河東
------------	---------------------------	------------------	---------------------------	--------------------------	------------------------	---------------------------	--------------------------	---------------	--------------------------	-------------------	---------------------------	----	---------------------------

不能出力展拓境土主將帥佐惟欲廣占兵馬不卹耗蠹國財便	以自營不可倚伏故有是命既而不又坐應接麟延奉請遲慢差	充涇原路都監	二十七通直郎監察御史豐稷為秘書省著作佐郎先是稷言	吳安特以宰相子請屬公事坐追官今祥禪未除即除太府少卿	恐執政家勒停衝替子弟用為例又言方官制施行章惇以罔上	為門下侍郎王安禮以穢德守尚書右丞以至尚書侍郎至寺監	丞簿不應輕法守畧清議致謫籍之徒首與稷選欲望令中書省	條具職事官所犯罪事理稍重者先放罷稷坐此故左遷	八月二日判司農寺曾孝寬贖銅八斤丞王端臣主簿莫士先各	十斤以申明條制不當故也	八日中書舍人曾鞏罰銅十斤坐草知隸昌韓維再任制辭不當	故也	二十二日龍神衛四廂都指揮鳳州團練使种諤降授文州刺史
---------------------------	---------------------------	--------	--------------------------	---------------------------	---------------------------	---------------------------	---------------------------	------------------------	---------------------------	-------------	---------------------------	----	---------------------------



夫士穀  
失亡

金州觀察使提舉西太一宮王中正降授嘉州團練使並不用叙	復法以上批昨大兵出界諤迂路捨取直之利中正不審議道路	迂直利害及不討蕩左廂地分賊黨故也	上同	九月二十三曰河東路提舉常平等事趙咸權轉運判官莊公岳	各降一官坐大軍出塞糧饋不繼人夫士者過半而報上不實故	也	上同	十月七日龍圖閣直學士朝散郎知延州沈括責授均州團練副	使員外郎置隨州安置坐始議城永樂既又措置應敵乖方故也	上同	同日龍神衛四廂都指揮使懷州防禦使麟延路副都總管曲珍	降授皇城使鄜延路鈐轄兼第一將坐永樂城陷不審量事勢以	致敗事故也	上同	二十一日三川寨都監如京使張進等各降一官以輕敵出戰士	多失故也	上同
---------------------------	---------------------------	------------------	----	---------------------------	---------------------------	---	----	---------------------------	---------------------------	----	---------------------------	---------------------------	-------	----	---------------------------	------	----

二十六日新知太原府資政殿大學士通議大夫呂惠卿落職守	本官知單州初惠卿除母喪入見上將改授以鄜延且諭令四路	守備惠卿手疏言陝西之師不可攻守上謂輔臣曰如惠卿之言	陝西一路無可守之理豈宜委以邊事王安禮奏曰宜落大學士	與一閑郡如單州之類告命中明言惠卿之罪上曰甚善故有是	命	上同	同日環慶路副總管狄詠鈐轄梁從古張守約各奪一官以主塞	亡失三分三釐也	上同	十一月二日梓州路轉運判官承議郎程之才知徐州朝散大夫	趙鼎並衝替之才坐與前知瀘州任伋交訟報上不實鼎坐乘官	舟附私物也	上同	三日梓夔路鈐轄供備庫使高遵治戎瀘等州都巡檢西京左藏	庫副使張壽各降一官坐瀘州蠻已降惟未肯解弓刀而輒殺之	自上獲偷水夷人冒賞雖會恩特責之	上同
---------------------------	---------------------------	---------------------------	---------------------------	---------------------------	---	----	---------------------------	---------	----	---------------------------	---------------------------	-------	----	---------------------------	---------------------------	-----------------	----



四日皇城使張免等三人各追五官文思使高致等二人各追四  
官供備庫副使潘定劉青各追三官皇城使桑湜等三人各追兩  
官皇城使沂州團練使李祥等四人各追一官東上閣門使狄詠  
等三人各降一官並坐出界將領計亡失所部兵用十分法追奪  
也上  
十六日汪輔之罷知虔州依舊例分司以監察御史王栢言輔之  
謝表詞意狂諄故也上  
二十八日提點開封府界諸縣鎮承議郎楊景畧降一官幹當官  
歐陽粲任元渥各罰銅二十斤坐並遷本司廨舍違滯及景畧不  
親督趣捕蝗雖會恩令特責也上  
十二月十一日知延州种諤罰銅三十斤以諤預議進城山界又  
永樂失守時領一路經畧安撫副使朝廷寬恩方責後効乃敢妄  
為子弟乞恩故有是命上  
十七日陝西轉運司幹當官呂宗岳衝替以陝西轉運判官范純

粹言宗岳管認計備延州懷靈浮圖寨守禦已被受託故不肯就  
事也上

二十四日判刑部大理卿以下二十人御史中丞以下十人罰金  
展磨勘年有差以成州奏造妖人趙福繫八十餘人察上歲餘累  
經巡白並不與奪故也上

六年正月一日太僕寺丞安宗奭王得君各罰銅三十斤衝替入  
內西頭供奉官王遠殿頭李永言各追一官罰銅三十斤勒停高  
品陳惟和追兩官勒停先是朝會儀物陳列於殿既而儀鸞司徹  
覆輅幕屋壞毀輅詔大理寺問罪并案太僕寺殿宿官以聞故有  
是命上

十四日鄜延路經畧副使种諤罰銅四十斤主管機宜文字汲洸  
罰銅三十斤仍衝替蕃官劉永隆降一官朱昇等以赦原初諤及  
經畧使沈括輕信汲光奏發將官劉紹能遇敵不力戰與西人交  
通皆不實汲妄信蕃官屈埋教令蕃部誣紹能事以狀告經畧司



御史宇文昌齡言案發紹能自汲光始故採不根之言而為實潤色張皇沈括輕聽易搖遽以其狀剡奏去是存非蓋欲置之無疑以邀朝廷必信朱昇偷安曲從乞先重行譴黜括以坐別罪安置遂責諤光罰銅也上同

十八日朝奉大夫直龍圖閣前知桂州張頡落職知均州坐不能察蠻夷為寇會赦也上同

二十三日隆德寨主賈宗諤衝替巡檢張志等勒停餘監押以次各贖銅降官有差先是詔經畧司追西賊入隆德寨老幼牛羊橫見剽畧乃是寨官不稟戒敕預為清野之計故有是命上同

二十五日權京西路轉運使向宗旦權判官唐義問各特衝替上以吳居厚使京東財利豐羨宗旦義問不能經營每有費用悉干朝廷故有是責上同

二月四日尚書吏部員外郎劉奉世文及甫各罰銅八斤左司郎中吳雍六斤御史臺失察官吏上簿坐住滯差周宥等幹當軍頭

打殺

司文字會降特責之上同

十日熙河蘭會路經畧安撫制置使景福殿使武信軍節度觀察留後入內副都知李憲降受宣慶使經畧安撫都總管殿前都虞候沂州防禦使苗授罰銅三十斤經畧安撫副使知蘭州引進使隴州團練使李浩降授四方館使階州刺史坐西賊犯蘭州幾奪西城門乃覺賊乘虛破西關也上同

十三日吏部員外郎唐淑問可差監撫州鹽礬酒稅務淑問以疾屢請補外上以為不肯任職故也上同

十四日詔瀘州文思副使秦世章追一官勒停展一暮叙押出川界內殿承制焦勝侍禁孟文宥各追一官免勒停以大理寺言世章勝文宥各坐買乞弟首級與子冒賞檢會別案奏世章為乞弟打誓事也上同

十五日崔台符罰銅十斤韓晉卿莫君陳各八斤以御史楊畏言大理寺近斷邵武軍婦人阿陳等案上刑部郎中杜紘獨讞議而



侍郎崔台符等無所可否循默苟簡無任責之心故有是命  
 二十八日詔蘭州主管官李浩劉振孫王安民留不堪披帶病卒  
 於極邊難得糧草處李浩坐斥堠不明已降監當可從一重振孫  
 安民各罰銅三十斤  
 同日宜州溪洞都巡檢薛應之除名勒停坐與蕃賊鬪敗走藏也  
 上同  
 四月二十三日熙河蘭會路制置司言准詔劾李浩罷蘭州猶帶  
 本路鈐轄擅奏赴闕罪狀浩自言雖嘗奏赴闕未離任詔浩於法  
 當以擅去官守論以未離本路及近出塞有功罰銅二十斤  
 五  
 月六日前兩浙路監司蘇澥胡宗師朱明之各罰銅二十斤坐不  
 舉發知秀州吳世安贓罪也  
 上同  
 十九日大理正杜純特追一官勒停將來叙復永不令典刑獄先  
 是商稅院送客人尹奇於隰州博祿磬引外有剩數杜純乞以所  
 剩磬六斤沒官而釋尹奇詔大理寺勘結施行大理寺上純妄議

客礬案公當公罪答該疎決故特有是責  
 上同  
 二十日涇原路京東第八將梁用副將趙潛各罰銅二十斤坐步  
 卒常贊指斥乘輿語切害不可錄奏經畧司以聞  
 上同  
 六月一日萊州通判郭弁權濠州團練判官王舜臣鎮戎軍判官  
 趙至並降一官坐戶部言元豐三年諸路鹽法管官無優等止有  
 劣等三人故是有是責  
 上同  
 三日絳縣尉王君臣等八人各罰銅三十斤殿直張整等十人各  
 二十斤供奉官焦清等十三人各十斤借職胡奐八斤坐部夫逃  
 死三分五分以上合該德音原免故特與責之  
 上同  
 四日戶部尚書安燾罰銅十斤侍郎陳安石八斤郎官金部晁端  
 彥倉部韓正彥度支陳向各六斤坐妄作見闕差本部主事又以  
 未該出職人欲授以班行皆為失當故也  
 上同  
 五日通直郎試御史中丞權直學士院舒直免除名追兩官勒停  
 坐直學士院勘請公使受供給妄言尚書省不置錄目詐以他簿







稱不候押先印發是夜四鼓巡兵下符將作監詔中丞黃履與楊  
畏言等推究故有是命上同日朝散大夫前知徐州趙鼎勒停坐以買箔為名差人船載家  
屬應徒二年私罪會赦特旨也上二十一日宣德郎前廊延路經畧安撫司機宜文字徐勳除名文  
思副使前廊延路走馬承受公事楊元孫右侍禁安撫司主管文  
字劉航各追一官左班殿直閣門祗候神朴追閣門祗候並勒停  
文思使李珪內殿崇班李彥申東頭供奉官安合右侍禁楊達右  
班殿直劉伯初宣義郎監延州鹽稅鍾正範罰銅有差以大理寺  
上勳盜用印印奏狀元孫私役人航朴各奏事不實珪等各告囑  
差遣并不報上不實也上二十二日都水使者范子淵追一官知河陽張問罰銅二十斤子  
淵坐開河奏死士夫不實問坐上書誤也上同日國子司業朱服丞葉祖洽主簿王元各降一官祖洽仍罰銅

二十斤服坐擅令主簿主管錢庫收支祖洽坐不監視開閉再令  
主簿主管故也上九月二十六日前京路轉運使朝散大夫集賢校理知亳州劉攽  
落集賢校理降朝請郎增差監衡州鹽倉坐任內不能修舉職事  
經用闕乏也上十月八日東上閣門使李綬閣門看班祗候主管簿書宋環各罰  
銅十斤客省使曹評東上閣門使曹偃客省副使曹誘客罰銅六  
斤坐失點檢江東轉運判官邾擅見有罪被劾乞上殿故也上  
十六日廣南西路轉運判官馬彥先衝替坐與副使馬默不協所  
奏歲計異同故有是命上十九日宜州監押陸原貸命免決刺除名配沙門島普儀寨監押  
何希古權融州都巡檢李貫除名千里外編管通判曹觀前坐他  
罪候當叙日展三碁推官孫立節司戶張峒各衝替土丁指揮使  
莫令頑石聘指揮使陸計宜州澄海十將謝進並特放罪初安化



州蠻賊千餘人致劫原等坐與蠻賊鬪先退覲征討稽期立節等  
失出令頑流罪而令頑等以嘗累白陸原欲出救應之故也  
二十一曰朝奉大夫試尚書戶部侍郎塞周輔降一官江陵府長  
林縣主簿塞序辰除名市易務下界監官宋喬年梁鑄內殿崇班  
符守規借職史安世各衝替宋仲約刺面配車營務少府監修製  
官宋世隆刺面配沙門島周輔坐不覺子貸官錢以措置江西福  
建鹽事有勞免廢黜序辰貸度僧牒錢喬年鑄不覺吏乞取安世  
降錢餘並以貸官錢連坐會赦時斷也  
同日祁州官吏資政殿學士光祿大夫呂公著以下八人各降一  
官坐違法差禁軍防送罪人  
同日皇城使惠州團練使李舜聰免勒停降兩官展三暮叙坐提  
舉開封府界賊盜巡檢私使兵級及事發自訟不實會恩也  
十一月二十四日戶部尚書李承之侍郎塞周輔各罰銅六斤金  
部郎中晁彥端彥員外郎井亮采各罰銅八斤戶部及都省吏以

差罰金以議茶法不當也  
十二月二日監察御史陳師錫送尚書吏部坐乞罷諸生習律唱  
為陂說惑亂士聽故也  
七年正月十一日提舉京西南路常平等事承議郎葉康弼衝替  
以尚書戶部言六年終提舉官歲考功過簿康弼比諸路上簿獨  
多故也  
十三日戶部侍郎塞周輔罰銅六斤員外郎陳向八斤坐違法割  
門下侍郎章惇俸錢於相州也  
十八日廣南西路轉運使張頡陳倩副使苗時中馬默朱初平吳  
潛判官朱彥博謝規各罰銅二十斤坐本路提舉常平等事劉誼  
於桂州治廨舍費官錢萬緡不切覺察故也  
二十四日知渭州盧秉知延州劉昌祚各罰銅三十斤坐得蘭州  
被圍聞報不即出兵牽制也  
二十八日降右諫議大夫趙彥若一官試秘書監坐輒侵越御史



論	事	故	也	上	同	二	月	十	二	日	降	引	進	使	高	州	防	禦	使	李	浩	為	四	方	館	使	皇	城	副	使																																																																																																																																																																														
吉	州	防	禦	使	苗	履	為	左	藏	庫	使	以	奏	賊	犯	蘭	州	事	異	同	也	上	同	十	三	日	前	汀	州	通	判	奉	議	郎	郭	祥	正	勒	停	坐	權	漳	州	補	僧	道	亨	住																																																																																																																																																												
持	不	當	受	金	悔	過	還	主	及	違	法	差	送	還	人	經	赦	也	上	同	三	月	九	日	知	洺	州	朝	請	大	夫	王	荀	龍	通	判	奉	議	郎	孟	蘊	各	降	一	官	坐	差	禁	軍	防	送	也	上	同	十	三	日	監	察	御	史	朱	京	降	監	興	國	軍	鹽	酒	稅	坐	言	董	楊	休	宋	彥	磨	勤	不	當	故	也	上	同	十	六	日	詔	浮	圖	寨	監	押	殿	直	晁	立	貸	死	免	除	名	勒	停	追	兩	官	衝	替	坐	令	十	將	續	璉	殺	投	降	都	頭	寨	主	王	傑	上	同	二	十	五	日	鄜	延	路	第	二	將	西	頭	供	奉	官	張	禧	追	一	官	勒	停	初	經	畧	司	劾	禧	罪	法	當	罰	銅	既	而	劉	昌	祚	言	禧	故	不	稟	本	司	處	分	至	殺	無	罪	十	四	人	有	司	議	法	不	當	情	恐	將	佐	觀	望	以	誤	邊	計	故	有	是	命	上	同

二	十	七	日	宣	德	郎	權	檢	詳	樞	密	院	兵	房	文	字	黃	寔	衝	替	坐	御	史	朱	服	言	寔	以	舅	陳	朴	之	喪	率	斂	士	大	夫	以	為	賻	內	有	武	臣	隸	樞	密	院	尤	於	事	體	有	嫌	望	付	有	司	推	治	詔	送	大	理	鞠	實	故	有	是	命	上	同	三	十	日	廣	南	西	路	轉	運	判	官	許	彥	先	已	差	替	改	為	衝	替	坐	輒	以	本	職	事	妄	移	他	司	肆	為	張	皇	誼	言	闕	乏	內	搖	士	卒	之	心	外	亦	示	弱	蠻	夷	有	虧	邊	用	備	故	有	是	命	上	同	四	月	二	日	秀	州	軍	事	推	官	桑	景	彛	左	侍	李	侔	並	除	名	宣	德	郎	裴	陟	追	三	官	勒	停	景	彛	仍	送	唐	州	編	管	景	彛	侔	皆	博	徒	以	巧	勝	陟	錢	并	坐	污	濫	也	上	同	十	七	日	廣	南	東	路	轉	運	副	使	孫	迥	提	舉	常	平	等	事	朱	伯	虎	各	降	一	官	知	廣	州	朝	請	大	夫	寶	文	閣	侍	制	王	臨	落	職	知	濠	州	通	判	畢	居	卿	司	理	滕	伯	雄	陳	諤	番	隅	縣	尉	石	大	受	轉	運	司	主	管	文	字	連	希	元	並	衝	替	臨	坐	鞠	孫	迥	求	囑	居	卿	隨	從	臨	迥	不	檢	舉	轄	下	兵	替	換	優	重	差	遣	及	失	出	入	鄧	滿	等	罪	伯	虎	奏	事	不	實	伯	雄	鞠	何	卿	私	鹽	事	不
---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---	---



盡諤鞠石大受事不盡大受以官板造榷匣拷平人希元隨順迥  
不檢舉轄下兵雖會赦特降是命上  
五月九日供備庫副使知火山軍康昂衝替以在任籍行人糧斛  
故也上  
二十二日通直郎寶文閣侍制知潭州何正臣奉議郎提點湖南  
路刑獄劉載各降一官通判潭州李綱罰銅十斤正臣知廬州載  
綱並衝替綱坐私忿提點刑獄司吏教人舉首而案其罪正臣再  
坐互論奏故不以實也上  
六月一日太中大夫龍圖閣侍制知江寧府陳繹免除名勒停追  
太中大夫落龍圖閣侍制知建昌軍子承務郎彥輔衝替繹坐前  
知廣州作木觀音像易公使庫檀像私用市舶乳香買羊虧價為  
絹二十八匹彥輔坐役禁軍織木棉非例受公庫饋送而報上不  
寶實上  
七月十一日侍御史張汝賢落侍御史知信陽軍坐論王珪王安

禮陳乞子姪差遣不實也上  
同日入內侍省東頭供奉官麥文炳衝替以管押回鶻韃靼蕃  
到熙河令人於蕃界內市快行馬等故責之上  
十八日判大名府王拱辰罰銅十斤館陶尉姜子厚冠氏尉桑嘉  
之知縣鄭僅各罰銅八斤坐擅役保押會赦特責之上  
八月五日吏部郎官罰銅十斤都省郎官六斤給事中韓忠彥言  
吏部奏鈔擬注江寧府司錄參軍前刑部法直官赦京試大理寺  
直廢條例用故也上  
九日監察御史來之邵為將作監丞先是御史中丞黃履之邵顧  
雜戶女為婢乞付有司根治故有是命上  
二十六日六宅使涇原路都監知鎮戎軍張世矩追兩官免勒停  
罷都監領榮刺史知鎮戎軍坐先為河東軍馬上出界功狀効用  
賈仲寶重傷不實盧秉等言乞少寬假詔候案上取旨故也上  
九月二十五日河東都轉運使朝請大夫天章閣侍制陳安世權







十月二十五日朝散郎直龍圖閣權提點開封府界諸縣鎮公事  
范岫落職知臨江軍以應奉山陵與戶部更相論奏不直也  
十一月十六日王子京罷知泰軍以前任福建路轉運副使日買  
茶抑配故也  
哲宗元祐元年正月十二日朝散大夫光祿卿嘉問知淮陽軍以  
監察御史孫升言市易之法初行嘉問實領其事罔上壞法失陷  
甚多故有是命  
二月十四日福建路轉運副使賈清添差衡州在城鹽酒稅轉運  
副使王子京添差監永州在城鹽倉兼管酒稅務轉運副使陳紘  
坐罰金先是福建路按察張汝賢言青提舉鹽事嚴督州縣廣認  
數目令鋪戶均買子京相承違法過為督迫紘明知新增鹽額高  
大曾無辭故有是命  
二十二日刑部侍郎蹇周輔落職知和州權江南西路轉運判官  
朱彥博知興國軍承議郎司封員外郎蹇序辰簽判廬州奉議郎

程之邵罷提舉梓州路常平等事以右正言王覲奏竊見江西福  
建鹽法皆蹇周輔等相度增添課額害民罔上故有是命  
二十八日成都府提點刑獄郭槩特差替以右司諫蘇轍言近以  
蜀中賣鹽推茶及市易比較為人疾苦槩體量事實畏憚茶官陸  
師閔提舉韓玠權勢不依限體量乞罷出故有是命  
閏二月四日知邵武軍張德源特衝替以右司郎中張汝賢言德  
源增鹽額抑配故也  
同日提舉荆湖南路常平等事張士澄特衝替邾直送吏部與合  
入差遣以江南西路按察司言蹇周輔請運廣鹽代淮鹽例涉搔  
擾陳德士澄附會增數肆行抑配而直亦與焉德士澄直故  
有是責  
二月十八日劉淑罷祠部郎中差知宿州江西湖南路發運使蔣  
之奇特展二年磨勘仍罰銅十斤以監察御史孫升言江西湖南  
鹽法之害知吉州魏綸虛增鹽數民最苦之綸既以丁憂去官而



發運使蔣之奇乃薦綸悉心職事乞候服闋再令知吉州江南西路轉運使劉淑再任本路首尾五年坐視毒虐其民曾無一言今乃除祠部郎中望特正蔣之奇劉淑之罪故有是命  
四月十八日李憲降節度觀察留後一官提舉亳州明道宮王中正降遙郡團練使刺史提舉兗州大極觀並本處居住石得一降為左藏庫使管勾西京崇福宮宋用臣降為皇城使添差監太平州茶鹽酒稅以御史中丞劉摯殿中侍御史林旦言中正元豐四年將王師二十萬由河東入界徘徊境上逗遛不進公違詔書坐失興靈會師之約天寒大雪士卒饑凍物故者十七八李憲之於熙河貪功生事一出欺罔興靈之役憲首違戒約避會師之期乃頓兵以城蘭州遺會今日及永樂之圍憲又逗遛不急赴援使數十萬眾肝腦塗地罪盈惡貫宋用臣奮其私智以事誅求推奪小民衣食之路瑣細毫末無所不為使盛朝之政幾甚於弊唐除陌間架榻地之事傷污國體石得一領皇城司夫皇城司之有探邏

也本欲知軍事之機審與夫大姦惡之隱匿者而得一恣殘刻之資為羅織之事以無為有以虛為實上之朝士大夫下之富家小人飛語朝上而暮入於狴犴矣是四人權勢烽焰震灼中外先帝未及肆其誅於市朝而以遺陛下伏乞聖慈以臣章付外議正四罪暴之天下而竄殛之故有是責  
五月六日梓州路轉運副使李琮知吉州先是臣察言琮在江南兩浙淮南路以根究逃移為名增常賦取民令監司考實至是諸路言琮以遠年開閣稅賦令人戶均納故有是命  
十八日相州觀察使知潞州張誠一特追觀察使遙郡防禦團練使刺史依舊客省使提舉江州太平觀以左司諫王巖叟言誠一盜取父墓中犀帶故有是命  
二十七日吏部員外郎呂升卿通判海州以右正言王覲言其有狀引用朝旨及先帝德音乞理知州資序貪競反覆故有是命  
六月十二日金部員外郎呂和卿權知台州以右司諫蘇轍言其



愚駭貪殘不宜實在省闈故黜之上 同日知濟州朝請郎段斷繼隆特勒停權知開封府蔡京特罰銅 二十斤繼隆坐妄冒奏薦恩澤而京失根治也上 二十五日中散大夫光祿卿分司南京蘇州居住呂惠卿前積門 責授建武軍節度副使本州安置不得僉書公事以司諫王巖叟 言前責未厭眾議故有是命上 二十七日寶文閣待制知廬州楊汲落侍制刑部侍郎崔台符 知相州大理少卿王孝先知濮州以監察御史孫升言等孝先等 乘先帝不豫之時斷王仲京狗情曲法之罪故也上 同日承議郎都大提舉成都府永興軍等路權茶事陸師閔降授 奉議郎主管兗州東嶽廟以御史中丞劉贄言師閔領數路與為 姦者眾也上 十月十八日章惇依舊知汝州罷揚州新除以左司諫朱光庭言 其在樞府恃慢失大臣體謫官未踰年遽移大藩遷陞無名上

二十六日江西路提舉常平等事曾孝廉特不以赦原追兩官勒 停送防州安置以撫州制勘到孝廉驅迫知州石禹勒獄死及奏 事不實故也上 二年二月十六日觀文殿大學士正議大夫知陳州蔡確落職守 本官知亳州以御史中丞傅堯俞等劾奏確居相日竊弄威福故 縱其弟養成姦賊故也上 二十八日新除知亳州蔡確知安州以給事中顧臨右諫議大夫 梁燾右司諫王覲共言其姦惡乞重行屏斥故有是命上 五月四日西京左藏庫副使邕州左右江都巡檢使成卓責授內 殿承制添差監均州酒稅以樞密院言其保任交人不當及擅將 黎文盛所上書狀錄與安南等罪故也上 同日廣南東路經畧安撫張頡提點刑獄林顏各展二年磨勘 轉運副使高鑄轉運判官張升卿各降一官升卿仍與小郡通判 坐言者論頡等不戢將佐因捕岑探殺及平人故也上



二十三朝請大夫充龍圖閣侍制知洪州熊本降朝散大夫以  
先知桂州分畫地界失當故也  
六月八日朝散大夫新除吏部侍郎兼侍讀傅堯俞為龍圖閣知  
陳州先是監察御史張舜民以論夏人邊事失旨詔罷舜民御史  
以祕閣校理判鼓院時堯俞為御史中丞言比聞監察御史張舜  
民因論邊事文彥博照管劉奉世失實罷言職竊以朝廷置御史  
蓋慮下情壅塞以開廣風聞聰明故得風聞言事今舜民一言不  
當便奪官改差遣於舜民何損而無益陛下亦非彥博所敢安者  
監察御史上官均言舜民所論文彥博事得於傳聞不敢隱默以  
負朝廷使其言為是陛下所宜虛心而行之其言為非苟無邪枉  
附會之意陛下亦當察其疎直無他以開諫諍之路今以一言之  
失遽行罷黜臣竊恐自是言者以舜民為戒望還舜民職任以安  
士論右司諫朱光庭言舜民有正直之節司馬光賢之薦充館職  
陛下擢至御史士論皆以為得人令視職纔兩月正直之節未獲

少伸一言不合大臣已聞罷職自陛下臨御以來天下之人唯知  
從諫如不及聖德冠古今若遽使舜民罷職使陛下今有逐言事  
官之名臣為陛下惜之望還舜民舊職以盡其効右司諫王覲右  
諫議大夫梁燾侍御史王巖叟監察御史韓川等相繼論列章數  
十上詔令三省樞密院召堯俞等赴都堂出舜民章示之仍諭以  
舜民不獨妄論大臣且今日朝廷務以安邊息民為心而舜民謀  
動師旅非體國也然知其無他故止去言路徙他職恐外庭不知  
故茲宣諭堯俞等退終守前論已而堯俞巖叟因言殿中侍御史  
呂陶監察御史上官均皆為臣等言亦嘗論留舜民各於眾坐誦  
其疏中語今都堂之召二人不預疑二人有欺有旨陶均分析陶  
狀云欲論之其後意寢均狀云實有疏不妄而燾一日遇給事中  
張問於禁中面詰問以不能駁還舜民制命為失職老而不任職  
貪祿不去是不知世所謂廉耻監察御史孫升因劾奏問不職而  
疏引燾語既而批旨付三省曰巖叟光庭覲川等久在言路多所



補益宜稍遷擢壽於禁省詔同列升朋附黨宜能罷於是巖叟等  
第遷皆避新命巖叟改直集賢院知齊州堯俞改吏部侍郎侍講  
讀如故堯俞乃言與巖叟事始末同願并罷補郡故有是命  
七月四日知絳州李元輔轉官減年磨勘各追奪一半元輔初以  
轉易川陝錢物有勞遷官至是御史呂陶言其侵漁冒賞故有是  
命  
八日新少府少監沈季長罷少監知秀州以左諫議大夫孔文仲  
言季長本無學問技能徒緣宰相王安石族婿鼓唱王氏經義聾  
昏眾學一旦召從外路副貳寺監季長之黨布散如蟻一季長進  
則百季長相繼而來不可拒矣故有是命  
八月二日朝奉郎右司諫賈易知德州以言事失當故黜之  
十二月二日司農少卿宋彭年權知邢州以御史趙岷言其險刻也  
十月二十八日資政殿學士王安禮提舉西京嵩山崇福宮初安  
禮除知成都府辭不行言者論其託疾辭遠故有是命

十一月八日肅遠軍寨巡防右侍禁戴榮追兩官蕃官東頭供奉  
巡檢募化追一官罷任以擅入西夏界侵畧也  
三年二月八日司勳員外郎何洵直特展二年磨勘以亡失司勳  
印及告身故也  
二十四日蔡確章惇罷所復職確知鄧州惇知越州以給事中趙  
君錫論駁也  
四月二十五日詔龍圖閣直學士提舉南京鴻慶宮盧秉降為賓  
文閣侍制展二年磨勘秉熙寧間推行二浙鹽法犯禁抵罪者多  
論者及之故有是命  
五月二十五日承議郎右諫議大夫王覲直龍圖閣直學士知潤  
州覲彈奏尚書右丞胡宗愈故有是命  
七月十二日皇城使漢州刺史廣南西路兵馬鈐轄張整內殿承  
制閣門祗候知融州温暘各降三官整就添差監江州稅務暘就  
差監歙州茶鹽酒稅右侍禁權邵州臨口寨主鍾仲仁左侍禁管



吏部	十二月二十二日	詔江寧府司理參軍鄆州州學教授周種罷歸	吏部以劉安世蘇軾言種欲以王安石配享神宗也 <small>上同</small>	獄空不實也 <small>上同</small>	光州仍各罰銅二十斤內總展三年磨勘邵展二年磨勘以坐奏	郎中范子諒知蘄州朝奉大夫新差提點江北西路刑獄林邵知	九月七日龍圖閣侍制權知開封府錢勰知越州朝散大夫倉部	人仲仁震坐誘致進新等以邊事未寧特免究治故有黜責 <small>上同</small>	不得差充廣南荆湖路差遣整鬪坐擅斬蠻人楊進新等十有九	勾融州臨溪堡事兼地分同巡檢杜震各降兩官衝替仍令後各
----	---------	--------------------	--	-------------------------	---------------------------	---------------------------	---------------------------	---	---------------------------	---------------------------



福